



Locutio Dei Ad Cor Religiosi

Pawłowski, Daniel

Leodii, 1701

III. Meditatio: De malo Tepiditatis, Religiosis apprimè cavendo.

Nutzungsbedingungen

[urn:nbn:de:hbz:466:1-59541](#)

12. Negligens custodia sensuum, vi-
sūs, auditūs, &c. Etiam in Religiosis
per has fenestras, non tantum defectus,
sed & mors ascendit: Non putet Reli-
giosus, se tutum fore à diabolo, quia
est sub clausura, si clausuram sensuum
suorum non adhibuerit. Nec porta Re-
ligiosa bene obserata proderit ipfi, ni-
si portam sensuum firmissimè muniye-
rit.



DIEI TERTIÆ MEDITATIO III.

*De malitia Tepiditatis, Religiosis
maximè cavenda.*

Meminit illius S. P. N. in lib. Exerc.
Reg. 9. ad motus animæ discernendos,
his verbis, *Cause desolationis tres sunt præ-
cipuae; prima, quia propter nostram in Spir-
ituibus studiis seu Exercitiis tepiditatem atque
acediam, consolatione divinâ meritò privamur,*
&c.

**ORATIO PRÆPARATORIA, &
PRÆLUDIUM I. ut suprà.**

PRÆLUDIUM II. Petre à D e o
gratiam, vitandi periculosisssimam in vi-
ta spirituali tepiditatem.

PUNCTUM I. Audi Deum dicentem : Jerem. cap. 48. *Maledictus, qui facit opus Domini fraudulenter :* Alii legunt, negligenter. Hoc audiens considera speciem quandam maledictionem, præ aliis vitiis, tepiditati adnexam esse, quia tepiditas etiam ipsa bona quodammodo in malum vertit, & sic ipsi viscera bonitatis divinæ, bonis actibus innexæ, laedit. Alia peccata in eo sunt, quod homo mala agat, sed tepiditas facit, ut homo non mala, sed bona agendo, male agat, & ipsa actione actionem destruat, non sicut vana gloria, aliquæ fines mali extrinsecè tantum bona viiantes: atque ita tepidus continuè peccat, nam etiam bona agendo, orando, Missam celebrando, &c. peccat: quò quid malitiosius? hinc tepiditas est peccatum peccatorum, mors meritorum, pulvinar diaboli, exitium omnis boni, infernus vivorum, imitatio dœmonum, gratiæ divinæ venenum, contristatio Spiritus Sancti. An non exhorresces ad hæc omnia, & non detestaberis tepiditatem?

II. Audi Deum dicentem Eccles. 10. *In pigritiis humiliabitur contignatio.* Hæbreus legit: *inclinabitur, corruet.* Et considera mala, quæ pigritia, seu tepiditas infert animæ, & fabricæ, quam in ea ædificat Deus. I. Tepidus tentatur frequentius, impetraturque ab hostibus, tanquam

tanquam civitas sine ulla munitione. 2. Vincitur crebriùs, utpote evanida redens auxilia Dei. 3. Surgit tardiùs, & ægriùs, tanquam paralyssi tactus. 4. Sanatur difficiliùs & periculosiùs, quia tepidorum medicina non est nisi gravis ruina. 5. Relabitur impotentiùs, tanquam assuetus morbo. 6. Visitatur rariùs à Deo, in cuius obsequio naufragat. 7. Cadit graviùs, motu vitali destitutus, instar plumbi. 8. Moritur timidiùs, utpote à Deo evomendus. 9. Salvatur difficiliùs, quia salutis opera tam tepide est operatus. 10. Damnatur certiùs, perinde atque lethargici dormiendo moriuntur, tanquam cadaver. 11. Properat ad infernum acceleratiùs, quia ante mortem damnatorum pœnam habet, dum more eorum bonum odit. 12. Mergitur in inferno profundiùs, dum in tanta occasione bonorum damnatur. Tigris te nutrit, Religiose, si his non moveris ad excutiendam tepiditatem, & ferventer serviendum Deo.

III. Audi Christum Dominum dicentem, Matt. 7. *Ex fructibus eorum cognoscetis eos.* Hoc audiens, considera fructus seu effectus tepiditatis tuæ, enumeratos à Patre Claudio, in Epist. de Renov. Spiritùs; suntque hi. 1. Orare ac meditari divina, sine sensu animi & fructu. 2. Ægrè se colligere, & ad cor redire. 3. Cogitata, dicta, factaque

sua , sine pudore ac proposito emenda-
tionis cursim examinare. In res exter-
nas libenter effundi , idque non proxí-
mi juvandi causâ , sed tædii vitandi. 4.
Solatiola à rebus creatis cupidiūs emen-
dicare. 5. Liberiūs obloqui , & aliena
dicta ac facta carpere. 6. Religionis dis-
ciplinam , suavem olim ac levem , ini-
quo animo ferre. 7. Ad otium adspira-
re. 8. In animarum zelo languere. 9.
Ægrè , tardè , repugnanter obtempera-
re. 10. Honorificè ab omnibus , indul-
genterque tractari velle. 11. Immuni-
tates , & commoda singularia postula-
re. 12. In animum inducere , sed labo-
rare plus æquô , nihilque esse , quod
non sibi debeatur. Vide hos infelices fru-
ctus tepiditatis tuæ , detestare illos , &
corrigere.

Colloquium: O ignis , qui sem-
per ardes , & nunquam extingueris ! O
amor , qui nunquam vinceris , vince
teporem meum ! Heu mihi , quia ad
ignem algeo ! & in sole tenebresco !
ignem comedo , dum te Domine J e s u
manduco , & tepeo ! ah sit tandem finis
teporis mei ! In fine dices Pater , &
Aye , &c.

